



UNIVERSITÄTS-  
BIBLIOTHEK  
PADERBORN

**Ioannis Tollenarii Brvgensis e Soc. Iesv Specvlvm  
Vanitatis Sive Ecclesiastes Solvta Ligataq. Oratione  
Dilvcidatvs**

**Tollenaer, Jean de**

**Antverpiæ, 1635**

Ecclesiastes.

---

[urn:nbn:de:hbz:466:1-68633](https://nbn-resolving.org/urn:nbn:de:hbz:466:1-68633)

270 SPECULI VANITATIS  
sim si reliqua diuinæ vindictæ in blasphemos illos do-  
cumenta percensuero: quare dimissis istiusmodi ho-  
minum portentis, ad fontem potius ac scaturiginem  
tanti mali inuestigandam cum Ecclesiaste pergamus.

SECTIO QUARTA.  
ECCLESIASTES.

VERS. 6. Vbi multa sunt somnia, plurimæ sunt  
vanitates, <sup>a</sup> & sermones innumeri: tu verò  
Deum time.

<sup>a</sup> Alij, & in  
verbis mul-  
tis:

METRICA PARAPHRASIS.

O! QVAE somnia fingimus!  
Quos fetus cerebri Numina dicimus,  
Dum mens sensibus obsequens  
Et numquam saturâ victa cupidine,  
Culpis assimilat deos?  
Quos vis seua iuuat, vulneraque & neces,  
Iraque, & scelerum faces,  
Et stagnis natitans sanguineis furor.  
Mauortem ad superos vehunt,  
Bellonaque litant thuricremis focis.  
Queis tædis Paphis iecur  
Inconcessa vorat flamma libidinis,  
Bruti fulminis arbitrum  
Post imbrem Danaës, sumptaque cornua,  
Post & furta Caystria,  
Subsessosque thoros Amphitryonios,  
Diuorum indigetant patrem,  
Stellantisque domus imperio euehunt.

Quo-